



# **UiTM@Media** **2016**



# Gemilang Alumni



UiTM@Media  
2016





**Setiausaha Akhbar turut membantu** ketika menteri berada di Parlimen.

# Tugas Setiausaha Akhbar tuntut komitmen tinggi

## **Setiausaha Akhbar**

### → **Kelayakan:**

Tiada kelulusan terperinci, tetapi jurusan komunikasi dan pengajian media menjadi kelebihan menjawab jawatan ini.

### **Kriteria:**

1. Sanggup bekerja tidak tentu masa kerana banyak acara perlu dihadiri menteri siang dan malam, malah pada hari cuti.
2. Sentiasa berdedikasi dan mengutamakan menteri.
3. Sentiasa peka dengan isu semasa.

### → **Bidang tugas:**

1. Menyalurkan maklumat isu berkaitan kementerian kepada menteri terutama sebelum sidang media.
2. Menyediakan teks ucapan dan kenyataan akhbar menteri.
3. Menyediakan jemputan rasmi acara kementerian kepada media.
4. Memantau media cetak, media sosial dan elektronik membabitkan isu semasa yang berkaitan dengan kementerian dan menteri.
5. Menjaga dan menaikkan imej menteri di mata masyarakat.



**Kerjaya sebagai Setiausaha Akhbar** memberikan banyak pendedahan yang bukan calang-calang.

**BERSAMBUNG  
DI SEBELAH**



**Oleh Basir Zahrom**  
basir\_zahrom@  
bh.com.my

► **Kuala Lumpur**

**T**ugas sebagai setiausaha akhbar kepada menteri Kabinet menuntut komitmen tinggi untuk memikul tanggungjawab besar, namun pada masa sama membuka peluang meraih pendedahan yang bukan calang-calang.

Seorang penyandang-nya, Kamarul Farid Kamaruddin, berkata beliau antara lain perlu berperanan seperti pengamal media, pegawai perhubungan awam, perunding dan jurugambar.

Katanya, rutin utama beliau sebagai Setiausaha Akhbar kepada Datuk Seri Rohani Abdul Karim, termasuk menyalurkan maklumat segera kepada Menteri Pembangunan Wanita, Keluarga dan Masyarakat itu mengenai sebarang isu berkaitan kementerian, terutama sebelum sidang media berlangsung.

Graduan Ijazah Sarjana Muda Komunikasi Massa (Kepujian) Penyiaran dari Universiti Teknologi MARA (UiTM) itu yang lebih dikenali dengan panggilan Kam berkata, banyak pengalaman ber-



**Kamarul Farid Kamaruddin**

harga dan luar jangkaan ditimba sepanjang tempoh berkhidmat.

**Turun padang**

Antaranya, kesempatan menyertai program Rohani turun padang ke kawasan pedalaman pada Pilihan Raya Negeri Sarawak, baru-baru ini, selain menempuh detik mencemaskan apabila menteri itu terpaksa menahan pintu helikopter yang tiba-tiba terbuka dalam penerbangan.

"Biarpun menghadapi perjalanan berisiko, kami tetap meneruskannya atas semangat menteri untuk berkhidmat kepada masyarakat.

"Saya bertuah mempunyai bos yang mesra rakyat, bersifat keibuan termasuk dengan kakitangan, tidak terlalu berprotokol dalam acara dan kurang dilanda kontroversi walaupun sentiasa berdepan pelbagai isu ber-

kaitan masyarakat seperti penderaan kanak-kanak serta warga emas terbiar.

"Dalam konteks ini, masyarakat juga banyak membantu dengan menjadikan suatu isu itu viral, sekali gus memudahkan pihak kementerian mengambil tindakan segera," katanya.

**Sumbang idea**

Berkongsi lebih lanjut, Kamarul Farid berkata, pengalaman kerja terdahulu sebagai peneraju di BERNAMA Radio, pegawai perhubungan awam di firma swasta dan Ketua Komunikasi Korporat kementerian itu amat membantu dalam menjalankan tugas kini.

Ketika berkhidmat di BERNAMA Radio, katanya, beliau sering bekerjasama dengan pihak setiausaha akhbar sehingga mencekutkan minat terhadap peranan mereka.

"Semua pengalaman dilalui mematangkan saya sebagai Setiausaha Akhbar dan juga insan.

"Saya turut terbabit dalam penjenamaan semula kementerian dan menyumbang idea untuk inisiatif 'Suara Anda Tanggungjawab Utama' (SATU) yang menjadi platform membantu menyelesaikan permasalahan masyarakat dengan segera," katanya.



- **Penasihat**

Profesor Emeritus Dato' Dr Hassan Said  
Naib Canselor

- **Ketua Projek**

Alfina Bakar

- **Pengurus Produksi**

Darus Kasim  
Rosly Mahmud

- **Penyelaras Bahan Akhbar**

Firdaus Abd Hanan  
Hanisah Yacob  
Datin Umminalah Salleh

- **Pembantu**

**Penyelaras Bahan Akhbar**

Hazizi Jantan  
Nor Azlina Nordin  
Samsinah Selamat  
Raja Nazrul Raja Hisham

- **Pereka Grafik Utama**

Junaidy Talib

- **Pereka Grafik**

Rosdi Abdul Hamid  
Mohd Nor Firdaus Mohd Isa

- **Sumber Keratan Akhbar**

Utusan Malaysia, Mingguan Malaysia, Berita Harian, Berita Minggu,  
New Straits Times, The Star, Sunday Star, The Sun, Star Metro,  
Kosmo, Harian Metro, Sinar Harian.

